

懷德縣誌

孫自蒼題



職官 民治 教育 財政 司法 交通



103830

懷德縣志第十三卷 宗教

目次

佛教

道教

回教

天主教

耶穌教

懷德縣志 卷十三宗教

新京福文盛印書司印

103830

罪穢錄

天主錄

回錄

韻錄

詞錄

目次

增補通志卷十三 卷十三

懷德縣志第十三卷

宗教

我國原有神教神教者何蓋初民之意觀乎人類無不各具知覺然而人之初生本無知覺者也其知覺不知從何而來人之始死本有知覺者也其知覺又不知從何而去於是疑肉體以外別有一靈體存焉其生也靈體於肉體合而知覺顯其死也靈體與肉體分而知覺隱有隱現而已無存亡也於是有人鬼之說既而仰觀於天日月升沉寒暑遞遷非無知覺者所能爲也於是有天神之說俯察於地出雲雨長草木亦非無知覺者所能爲也於是有地祇之說總而言之神教是也社會信仰自

古爲昭不獨中國然即外國亦莫不然特我國於上古時未定宗教之名耳自中古佛教東來宗風大振自張道陵以神仙附會老子至南北朝遂具有一種宗教之勢力唐興景教漸盛回教亦入中國近世天主耶穌均各立教堂傳福音此我中國號稱宗教者之大凡也雖其旨趣各殊信仰不同而其明心見性之旨勸善懲惡之心與夫悲天憫人之衷民胞物與之量則無不同我國古代文教昌明聖人不廢神道其言見於詩書者比比皆是蓋示人以教無替其對越之忱衾影不慚屋漏無愧推而極之則紛爭人類咸賴和平信乎宗教之有益於人國也述

宗教

佛教

漢武帝破匈奴降暑邪王得金人而還是爲佛像入中國之始
王莽時有景惠者受月氏使者伊存口授佛經是爲中國人知
佛經之始然猶未盛行也至漢明帝遣蔡愔等至西域求佛經
遂偕沙門迦葉摩騰竺法蘭而歸白馬馱經止於紅臚寺乃建
寺稱爲白馬寺二僧譯住其中是爲中國有佛寺譯佛經之始
由是佛教日盛然猶未許中國人爲僧也及魏文帝時初許中
國人受佛戒爲僧中國之僧於是輩出厥後高句麗建國聘西
僧宏通譯經是爲佉教入遼東之始遼金與元信仰彌崇有清
混一設僧錄司以約束之懷德於道光元年開墾至十五年於

縣城建廟二東關帝廟名普濟寺西財神廟名興隆寺是爲懷德有僧寺之始及宣統紀元廟產頗有沒收改建學校者共和成立南都寄禪和尚組織中華佛教總會立支部於奉天而懷德各寺藉免摧殘自頒行管理寺廟條例以來舉凡叢林寺廟與高潔沙門咸保護之褒揚之國家之責亦佛教之光也茲將境內各僧分述於左

興隆寺 在迎恩門內路北清道光十五年建祠宇三十五楹住持僧一

普濟寺 在城內東街路北道光十五年建祠宇二十五楹住持戒納僧一僧侶三

中心廟 在城內後街清咸豐年建

九聖祠 在迎恩門外路北清光緒年建

關帝廟 在撫近門外路北清同治年建

清林寺 在城南黑林鎮清咸豐年建祠宇十楹主持僧一

龍泉寺 在城南黑林鎮清光緒年建

三皇廟 在城西小邊屯清光緒年建

娘娘廟 在城西南房樞子屯清同治年建

道教

漢書藝文志有道家三十七雖其書不盡傳要非後世之所謂
道教也自秦始皇漢武帝好神仙信方士於是講神仙術者每

附會老子以自炫後漢張道陵著道書廿四篇是爲我國道教之濫觴厥後葛洪寇謙之等繼之勵修道術而道教之勢遂風靡一時唐興祖老子以道教爲皇家正教宋又加老子封號賜張道陵後以真靜先生之號至元便加張氏以真人之號明因之清設道錄司隸於禮部此我國道教之原委也而遼東道教則自白雲長春真人歸元始顯今中國北部號稱龍門宗者皆其法嗣也有清肇造致虛真人郭守靜東來即奉天太清宮開山之祖也懷德原屬蒙人游牧之場教信喇嘛至道光初元放墾有道士寄居於楊姓家說者謂即楊大城鎮無量宮之鼻祖焉光緒初年樊教魁爲無量宮監院務耕耘營商業資產爲一

縣寺觀冠而又樂善好施熱心公益故士林稱之自關東道教
分會成立後該宮設立國民學校一級可爲識時務者矣茲將
境內各道觀分述於左

無量宮 在城西北楊大城鎮後街路北清道光年建祠字七
十五楹住持道士一道侶三十八

聖水宮 在城西清光緒年建祠字五住持道士一

碧霞宮 在城西北黃花甸子屯清同治年建祠字十住持道

士一

妙巖宮 在城東南五家子清同治年建祠字三主持道士一

太平宮 在城東南平頂山清同治年建祠字七主持道士一

青雲觀 在城西南三道崗清咸豐年建祠宇五主持道士一

回教

回教創自摩罕默德唐初以武裝神權統一阿拉伯地其教惟崇信上帝不拜他神亦一神教也其教師阿衡今謂之阿訇其教徒相稱曰把每七日值牛婁鬼亢四宿爲主麻日教民咸入寺誦經祈禱每日寅未申酉戌五時爲主麻時獨教長教師行之其經曰可蘭經結婚者於寺內由教長立婚書乃成禮喪葬延阿訇誦經浴死以白布纏之窆不以棺其飲食有禁忌禽有蹠獸非反芻者不食食則謂之叛教其入中國也始於唐至宋初喀什噶爾會長布喀拉始信回教由是回教行於西域及元

太祖攻金其部下之兵多回回人種而奉回教者太宗攻宋回回人種從之回教始入中國本部由明及清若新疆雲南陝甘各省最盛獨西藏蒙古不受回教之浸染懷德昔爲蒙荒回教甚鮮自光緒初年楊小山任懷德典史時以其係回教人爰捐資建禮拜寺東南門外自是而後回教始較往日爲多然皆小本營業未有出人頭地者民國肇建回民列在五族之內信教又訂自由之條從此痛癢相關休戚與共將來合天下爲一家中國爲一人之盛軌不難致也

禮拜寺 在城外東南里許信徒共二百九十二

天主教

天主教古謂之景教其東漸也始於唐有波斯僧名阿羅本者持經來長安太宗命作波斯寺度景僧三十一人玄宗時改名大秦寺德宗時立景教流行之碑則當時景教之盛可知矣武宗時其教遂大衰後有義大利人瑪爾谷保羅仕於元其教遂又東漸明時與西洋諸國交通西人之來傳教者亦衆神宗時利瑪竇至築天主堂於上海徐光啓首信其教清初亦用南懷人等在欽天監司歷法只北京建天主堂二所及英法之役傳教載於約款於是英法教師徧內地矣然奉天猶未有也至光緒初元法國援約傳教東省於是奉天始有天主教由省而縣漸次普及庚子拳匪之亂教士教民均能捨生取義矢死靡他

亦並徵宗教之入人心者深矣國將亡聽於神清之厄運非天主教之不幸也今者信教自由雖載約法而凡屬國民亦慎其信仰斯可矣

天主堂 在撫近門內路北清光緒初年建初有法國人傳教今只有中國人信徒在堂司事境內信徒三百七十

耶穌教

耶穌教與天主教同源而異派亦猶儒分爲八道分爲三禪宗有南北喇嘛有紅黃也清同治末始入中國北部其入奉天最晚而懷境之有耶穌教堂則在清光緒之中葉初羅馬皇握政教二權矯揉壓制固所不免有路德者尊自由愛平等遂獨創

新說特標宗風世乃以天主爲舊教以耶穌爲新教所最異者始以門戶之見勢如炭冰繼以仇視之心竟致戰鬥宗教家本以救世爲志職而卒演成以教殺人之浩劫亦宗教家之所不及料者矣况乎以我國五千年之文化崇多神之舊習而彼不能因俗利導竟欲去我父子去我鬼神惟彼一神之是崇甚且壓之以武力餌之以金錢堅之以條約責之以保護宜乎中國之人盡入其彀中矣乃入其教者究屬寥寥耶教家可以知中國人民之程度矣

耶穌聖會 在城東南門外路東清光緒十二年設立規模簡陋頗不壯觀境內信徒六十三

懷德縣志第十四卷 慈善

目次

教養工廠

善舉

賑務

善局

醫藥研究會

...

...

...

...

...

...

...

...

...

...

...

懷德縣志第十四卷

慈善

芸芸衆生憂樂至不一也或以秉賦不均而形分完缺或以常變殊勢而境有順逆此人群中所以安樂者少而疾苦者衆也使國家無慈善之政社會無好施之家爲之補救則疲癯殘疾與夫顛連無告者皆呻吟展轉於溝壑矣夫民胞物與之懷博施濟衆之美書之史冊歷歷可考本邑昔爲榛莽墾殖甫滿百年慈善事業固多闕略然積修之士好善之家爲社會造幸福爲桑梓溥樂利者亦大有人在茲編摘要書之著已往即勵來茲也述慈善

教養工廠 在後街路北係典史公署舊址民國七年改建廠分二科曰柳灌科曰織席科廠長一書記一看役四常年經費四千七百元由地方公款項下開銷旋以款絀停辦民國十五年秋趙令條舉清鄉治本辦法議辦教養工廠經擬章程呈奉核准然亦艱於款項未果十七年吳令議以地方款節餘提撥基金二萬元并編製常年預算書呈奉 省憲核准未及實行調任去是年冬縣長李公以該廠爲急務遂議以縣立第八初級小學校之南爲工廠地基遴選邑紳于漢清從事籌備現已將建築所需之工科核實估妥造具預算書呈明 省府不日即將建修顧劃撥之款悉爲紙幣現值鑲法日非底款日縮將

來之支銷能不免拮据哉

畢氏捐米施粥 邑紳清漢教習附生畢文林之祖 世居城

西畢家窪子于光緒十五年秋因霪雨數旬遼河泛溢爲災爰捐小米五十石於秦家屯設粥鍋以食災黎保全甚衆二十五年經高令暄陽籌辦積穀獨捐穀五十石爲倡每有攜家遠徒或貧民乞丐經其門者均行帶入膳房予一餐凡數十年如一日至於建書院修學堂與一切地方公益事無不首先贊助家中食指二百七世同居人咸謂爲樂善之報云

趙氏捐資興學 邑紳清禮部郎中舉人趙晉臣之祖母趙劉氏世居城西新集城東於光緒三十二年創辦學校獨捐資千

兩經制軍趙爾巽奏准給予樂善好施字樣准其建坊以爲熱心興學者勸他如光緒十五年之水災二十五年之積穀捐米捐穀數均爲一縣冠其子孝廉方正聲遠公開設太和典當利息較他當減三分之一戚鄰子弟貧有不能就讀者延師教之成就者衆其孫花翎同知銜晉升及弟晉臣晉勳亦承先志獨出鉅資設立療養嗎啡所延醫合藥招集桑梓不良子弟戒除嗎啡毒癮復演說開導力行感化教育苦口婆心其來有自

梁氏捐資興學 邑紳花翎三品銜梁豐年居本城後街於清

光緒三十二年籌辦學校獨捐資千兩爲之倡經制軍趙公爾巽奏准建坊並給樂善好施匾額民國七年經浙江省長齊耀

珊繕具事實援褒揚條例設褒大總統徐頒給褒章並題義行
可風四字匾額旌于門餘見人物志

張氏捐資興學 邑貢生張學貢 世居城南清光緒三十二
年籌辦學校獨力捐銀千兩經制軍趙公爾巽奏准建坊並給
樂善好施匾額

劉氏捐資施廟產 邑紳清五品頂戴附生劉海春之祖父曰
瑄世居城西小邊村性醇而孝因父病曾前往東岳上香途遇
危險卒免於難人咸謂神佑云爰施熟田八晌於本村建三皇
廟招僧主持以荅神庥

徐氏義學 邑紳知府銜徐仁祥字瑞麟世居城南大榆樹屯

光緒三十四年獨出鉅資於該屯建置學校一所招集本村子弟入學肄業職是該村學齡兒童未有不受教育者經制軍趙公爾巽奏獎知府銜以爲興學者勸

賑務

懷境地屬王荒向無賑濟之情事自賀令到任連年霖雨爲災光緒十四年尤甚公稟請軍督憲慶於十四年九月十五日由省發到賑銀五百兩及十七年成災亦重又稟請軍督憲裕於十八年二月二十日又發到賑銀五百兩前後二次共領賑銀千兩雖云杯水車薪難果衆腹亦可謂卹民疾苦惠及邊氓無遠弗屈矣

光緒十五年春有奸民以飢荒爲口實煽惑婦孺到處分糧藉以滋事賀公聞報拘而嚴懲幸未釀成事端乃勸令紳商富民捐糧設粥廠以賑之及新穀既登乃罷故年雖饑饉野無餓莩事後稟請軍督憲視捐糧之多寡給六七八品功牌之獎公之是舉可謂寬猛咸宜矣

懷境向無積穀自高令於光緒二十五年七月間到任始勸民積穀以備荒年及日俄交鬪積穀幾乎無著幸慕令於光緒三十三年六月接印時值亢旱即認真調查積穀欠者嚴追以爲出貸之備積谷不致中墮者賴有此耳

宣統三年秋霪雨成災嗽鴻遍野次年春三月蕭令招集紳耆

籌議賑務呈請秋冬兩季附加捐賑濟極貧各戶之需併請放借積穀接濟次貧各戶均蒙省憲批准當即擬定章程設立籌荒處遴委士紳籍存綱趙鼎臣爲籌荒處幹事員以專責成嗣蕭令去任田令來懷下車伊始即以籌荒爲目前之急務除所擬條章仍舊照辦外而又悉心籌畫竭力經營分派在事各員一面清理積穀一面調查災區戶分兩等散放錢穀極貧者每人發給賑洋七角次貧者每人放給積谷二斗於五月間散放一次八月間補放一次計前後兩次共放積穀四千三百四十石零九斗四升三合共放小洋一萬四千八百二十七元三角有奇官紳一體極積進行待哺災黎略沾涓滴至十月間報竣

所有在事出力人員分別請獎茲將賑濟捐款分別於左

一 附加捐洋一萬一千四百四十九元三角零

一 度支司撥給賑洋二千元

一 罰款洋共一千三百七十八元零

善局

善局之設重在福利地方兼濟民生凡有公益之事皆應設法爲之提倡懷德昔有牛痘局一所自光緒十四年經賀公墳每見民間嬰兒出花施治多謬以致危亡惻然憂之爰在本城西街設立牛痘局名曰資善堂以拯救嬰孩危險選請善種醫生入局專司其事並曉諭屬界民人均聽赴局引種不取分文自

設局以來民間引種者日見增多所有局中醫士薪水伙食等項僅有入官盜產賭房共變價中錢一千一百吊旋據富民周甸元助中錢五百吊又另有入官賭房兩所售得房價中錢一百五十吊前後所籌各款共計中錢一千七百五十吊按年一分六厘發商生息每年計得利錢二百八十吊議定章程每年發給薪水中錢一百八十吊伙食中錢七十吊藥資中錢十吊其餘中錢二十吊每年發給該局修補房屋自行經理至民國六年經尹知事以欸絀事廢從而取銷殊可惜也現任邑宰李公以事關民生不容久廢因擬酌撥地方公款創設公主嶺施醫院先設內外兩科及產科種痘各門現已擬具意見書呈候

核示矣

醫藥研究會

縣境醫士程度參差藥劑亦多窳劣民國九年醫士劉子峯等爲精研醫藥慎重民命計倡設醫藥研究會凡業醫者率須入會研究限半年畢業及格者給以証書否則勒令改業計會員若干名歲納會費人各奉洋八元作爲本會經費嗣公主嶺一帶醫士以距縣路遠來往多艱請准獨立會所然其研究攷驗各辦法終遜總會近年以來積久漸懈高明醫士恥與衆伍其無學淺陋者尤多規避益以鑽法日壞會金難籌在會會員月僅廿餘名現邑宰李公以事關民生急宜整頓擬招全境醫士

懷德縣志第十五卷

藝文志

清續通志云鄭樵志藝文略有十二類類各分門門各標目自叙以爲經籍之散亡由於編次之無紀所蓋著篇目存亡而非尋章擇句也下至邑乘亦采名宦宿儒文人騷客諸作名曰藝文較之通志誠行潦之與河海矣然昭一邑之文光備將來之攷證亦未必無小補焉懷德地處荒徼開化最晚而間出彥儁立言亦自不朽爰輯吾懷名宿所著詩文著於篇而時人著作采其有關於事實攷證者亦附於篇末藉以存國粹於萬一云述藝文

碑記

御製明倫堂臥碑條約

朝庭建立學校選取生員免其丁糧存以廩膳設學院學道學官以教之各衙門官以禮相待全要養成賢才以供朝庭之用諸生皆當上報國恩下立人品所有教條開列於後

一生員在家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術

邪刻讀書必無成就爲官必取禍患行害人之事者往往自殺
其身當宜思省

一生員不可干求官長交結勢要希圖進身若果心善德全上
天知之必加以福

一生員當愛身忍性凡有司官衙門不可輕入即有切己之事
止許家人代告不許干預他人詞訟他人亦不須牽連生員作
証

一爲學當尊敬先生若講說皆須誠心聽受如有不明從容再
問勿妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制

論黜革治罪

一生員不許糾黨多人立盟結社把持官府武斷鄉曲所行文
字不許妄行刊刻違者聽提調官治罪

大清乾隆三年歲次戊午夏四月上浣穀旦

禁止私立稅局碑

任城內財神廟成豐元
年七月鄂從新等立

喬向榮

樂亭

蓋聞譏而不征熙朝之盛典塵而不稅治世之良規是以有
易無有司法之通功易事司氏掌之此皆古聖王之德也我朝
定鼎以求德媿唐虞功邁三代郅治之隆雖漸被暨訖無不共
沾深恩綏甸要荒無不咸感至德故由中達外莫非聲教聽及
之地猗歟休哉何其隆也茲昌圖境內八家子屯自道光元年

蒙恩出墾王荒借地養民彼其時草木暢茂禽獸繁殖寂寞荒涼之景疇不顧却不安哉迨至積年累月比戶蕃庶人民稠密舖舍星陳商賈雲集視昔日之荒阜已改爲當年之盛境矣乃於道光十二年間有昌圖廳濟天家人鄒二勾串差役在八家子屯私立稅局蒙官舞弊張掛稅牌肆行無忌斯時也凡我商民無不啞口無言以任征役之擾攘實屬莫能伊何者幸有德合店財東劉殿侯識破虛僞當即同鄉約初玉珍等赴盛京請示蒙刑部祥大人批左司承天訊斷所有諭令各緣由均載明案牘不復冗叙等因迄今十有餘年無敢罔越第恐歷年久遠湮沒無傳後有不法之徒視爲利藪違諭抗斷再行私立稅局

不惟使劉殿侯等前功盡棄而國家之餘恩亦何能感戴於無涯也哉是以各社商民人等公議勒銘刻碑以荷王道之無偏並誌成案之有鑒以爲永垂不朽云爾

南三道崗關帝廟碑

金身入夢行參乘於西天碧屋騰祥接法乳於南海心參造化而化成化也無方道合無生以廣生生焉不匱眼前皆赤子一身徧大千三千室內 青春奕世消塵劫億萬實爲萬物之父母寧止羣蒙之津梁以故玉闕瓊宮焜耀宇宙香烟楮霧充滿寰區崇奉之隆於斯爲極昌圖廳三道崗舊有三仙娘娘宮殿其由來三十餘年矣初爲草庵後易瓦甍其地則河山縈帶嵐

樹叅差夕陽笠簣坐聽樵歌之出沒閒庭杖履細看泉壑之晴
陰白石峯頭時有幽人吟夜月杏花深處常聞騷客醉芳春洵
可適情是爲清景特以歷年滋多舊殿漸圯法像塵滿空歎風
雨淒淒虛壁苔生無復榱桷煥煥馬道彌寂寞祇留明月照香
燈古壁半凋零惟有松風敲夜磬且也三道崗爲諸會之首領
詎可以廟貌之觀瞻不肅而令衆會之談笑者哉是以更新之
舉起於道光庚戌兼創伏魔大帝四方之善男信女仁人義士
不謀而同咸樂捐資以成重大之工程歸善輸財者何下千萬
人矣求木鳩工非一日之經營忽於咸豐甲寅始告成於崇朝
吾人瞻拜之下後宮前殿皆煥然一新斗率宮凌霄殿大抵無

過如是夫窃思忠臣孝子猶得立碑墓道以風生前之規範况
其三仙關帝胡不鑄珉剝方以表化後之靈應然天無三光而
不明碑無鳥篆而不彰維時會首張公成邦等索記文於余余
曰噫嘻僕學疏才短倘有負於託豈不遺笑於大方乎竟三辭
而不得既而自思曰受諸神之護佑已久矣蒙張公之恩德已
深矣當年地僻人稀賊匪蜂起晝則行劫夜則爲盜即五歲之
童子七齡之幼女坐不安席寢不成夢大荒之民殆無恆心幸
有張公糾合鄉勇以農器而作兵器以農夫而作武夫朝團暮
練專膺不法之匪徒故三道崗之居民皆得以享太平耳時值
我

皇上龍牌並將軍大人奕公堂劄遍行天下曉諭四民鄉社井里准立團練會以防不虞倘有賊匪侵入合力擊之云云張公等承牌劄之命會事加修賊匪遠遁路不失遺之教雖無夜不閉戶之風猶存故而秦關以東推爲諸會之盟長雖張公之德行所致實賴諸神之蔭庇者也因而援筆作歌曰雲山蒼蒼江水洋洋鬼神之德山高水長敬修短章永誌不忘

李雲祥

王成玉

整理會事人

序誌人張天彝敬撰

張成邦

劉官

大清咸豐三年

蓋聞爲善降祥惟奉神明而可致施財積福誠建廟宇以能徵道經云種蘭得香種粟得糧是也夫本宮廟宇神像羣牆衢路山門昔竟備訖只因已逝先師陳公老人德薰有感蒙科爾沁達爾罕王東公益局局員溫得王胞弟二品台吉色冷那木級拉忽生虔心偶發善念願將本宮自置生荒熟地其他租項一概施捨以爲神前香資昔兌出者令佃戶與本宮交租自耕種者蒙古永不徵租所施者專爲道衆朝夕持奉香火朔望課誦經典四時供獻永不缺乏上祝皇清鞏固次祈王爵祿位增崇

嗣裔蕃盛百代簪纓再者年前本宮師徒又將前後大殿明柱
格扇重新油畫本年有衆會等協力領化四方善士信女樂施
資財甘捐銀兩成全善功證無上果立石旂竿一對更覺顯助
神威以肅觀瞻較比前番整齊多矣如上等因爲一方保障作
萬戶津梁士農工商皆賴是而康泰矣於斯見蒙王德莫大矣
爲此本宮道衆感施主善行故勒碑以彰其功德云爾特問碑
文於予自不揆己才拙學陋作斯鄙文勒於石陽以欣鄉民睹
悅多取喆士見哂於此謹題

潛修居士長安子撰文

山左羅順字翔雲書瞻

大清同治九年榴月

穀日

關帝廟碑文

蓋聞修功建廟爲出家之首務塑神造像乃學道之始行及乎
誦經禮懺悟眞參玄莫不賴於是矣茲者因我先師祖上來下
聰張公諱學聖出家於吉林西龍泉山青華宮由嘉慶二十三
年自備銀兩親來本境寫得王荒五百七十頃城內舊有土殿
前後兩間故以此荒開墾豫作本處香資因已無力不能全開
其間有兌與他人者多矣淨剩荒產墾成熟地以爲自用至道
光十八年我先師等見廟頽圯不忍坐視將自積銀兩意欲建
修恐有不足故立緣簿募化四方善士共助資財重修殿庭新

塑神像後殿塑娘娘聖像三尊前殿塑關聖帝君像一尊左塑藥王聖像一尊右塑龍王聖像一尊羣牆衝路山門悉具又立經箱演門徒習經誦懺朝禮仙真上報天地君親師之四大重恩下濟地獄餓鬼畜之三塗罪苦道化興行法嗣經修香大綿遠所有窪荒不能開地者留作牧廠預自利而利人也凡有熟地生荒不可出兌貽作本宮費用後有承繼焚修者宜謹遵太上清規不得葷酒壞教敗宗切毋雜入行教不可信投旁門欲後有憑今故勒碑以誌之而永垂不朽矣

大清同治九年榴月立

懷德縣署問心碑

光緒三年改建縣公署立

知縣張雲祥

問心無愧古人所難余何人能以此自命蓋因數十年來遇事則反心自問頗有所得茲值堂成銘以自勉

建修文廟碑

光緒元年五年迭經各大憲奏准昌圖廳改設府治改八家鎮爲懷德縣定文武學額各二名飭建文廟學署以符體制於是
我懷德縣尊張公訓導許公實司其事五年春縣學合商興工
遴派紳商夫役監工建修遂將所派人等合銜榜示其一切事
宜皆聽指授請而後行是舉所需款項先蒙上憲籌酌撥銀三
千七百兩陸續領發嗣後工多欸絀縣尊首摺捐廉是時學署
訓導杜公任此集邑紳富共酌捐輸以成斯舉計各饒戶樂捐

未必加量里劑銖兩同均第此欵動用涓滴爲公先後在事各人俱承教來效急公忘私茲追述梗概俾知我懷邑幸賴張杜諸公振興文教公正率下始終妥善以成鉅典而啟懷人且廣恩體育雅意以光國家右文之盛則懷之人躬被其澤永久弗諼工竣勒石計如左

節孝崔孺人碑

竊聞內則之儀莫先於順中壺之德無過於貞觀夫竹以節而彌高萱無憂而益茂益信福祿常宜於後聲名早炳於先也如

欽旌節孝張母崔太孺人有足述焉 太孺人者例貢生崔公

學孔之女張公麟閣之原配也德懋珩璜肅靜嫻於婦誠職
優糾紆纂組精其女工斯爲秀毓名門可卜配逢嘉耦年二
十一于歸張公桓車對挽萊畚同操上而盡滌澆之誠內而
爲藁砧之助無殊饁野之賓共羨持門之婦不意鵲辭鏡影
誰憐宛轉中宵鶴別琴聲未可捐軀長夜 太孺人則一心
飲藥十指捋茶堂上之白頭待養膝前之黃口終虛族人議
以堂叔弟墨林之子名維藩爲嗣 太孺人撫螟蛉如己出
俾燕翼之永綿誦明訓於大家紹義方於陶母列經四壁願
杼一鎗紡織不休咍唔相應體向平未竟之心昌延五世補
師氏不言之教譽溢三宗用能弓冶相傳簪纓克繼於光緒

八年冬經紳士丁述銘袁學宏陳芷文劉樹楨劉鶴泉宋含章等據實繕呈蒙本懷德縣尊張公恩准詳請是以台憲揚聖善之化

朝廷錫綽楔之榮翰墨表於搢紳之倫芳徽騰於里巷之口迴想恨欲磨笄身將化石之心其亦可以大慰也矣本儒學舉揚穆行未與邳隆而弊陳詞章敢辭澆陋是爲記並係以銘曰德盛存嗣修行爲整閭閻之美實備於茲惟太孺人身兼有之草難獨活蘭自生香名泐貞石身其康強

吉林長春廳王迎壽撰

馬士麟書

光緒十年五月穀旦建坊

元寶山杜烈婦碑

烈婦者嶽雲公杜信之次女也光緒二年年二十歲適尙修公
袁懋之長子相國宜室宜家克執婦道次年夫相國年十八歲
從族叔袁子芳肄業七月抄染病在塾嗜學不歸病篤父兄延
醫往視皆以爲採薪之憂耳不幸天奪其年竟於八月初六日
與世而常辭也乃具衣衾備棺槨車載而家焉婦則悲慟非常
一哭一死初八日戌刻背翁姑家人吞藥而殉焉里巷警聞且
慟且感以爲綱常在天地巾幗大有美賢也先時鄉約陶清鄰
右李慎言等請旌未果嗣因改廳爲縣經衍聖公府齎奏丁述

名奉直大夫魏奉璋金州儒學正堂于鳳池昌圖拔貢生榮文
達等據實呈請邑侯雲祥張尊照例申詳旋蒙列憲奉准天聽
我

皇上嘉其節烈用振綱常昭旌揚之盛典俾踴躍以建坊

光緒七年恩詔已頒焉今鳩工已竣鄉之人屬予作文以記之
敢實錄

四品封典魏鍾銘篆
本邑文童馬駿聲書

大清光緒十二年八月穀旦建

無量宮碑文

蓋聞德莫厚於便民功莫大於利衆古人之所謂立公德於不

朽者良有由也茲吾楊大城子無量宮廟舊有粮市一區規模雖簡而爲益良多嗣光緒初年而中廢集市者莫不扼腕撫膺以爲事左而費冗也是以道長樊公字教魁仙號殿臣者無量宮監院人也長存心方便之門且屢念於普利之路不憚其煩請之官府仍復舊市之規領有雙印官斗每斗用只五文糶者四而糶者一一鬩之市囂爭一息其義美其法良已於是近者悅遠者以來懷德而頌功者比比然也然有功而不顯其功多沒有德而不彰其德將湮以故响嶠勒大禹之功峴山紀羊公之德古人往矣而片石千秋後之視今猶今之視昔後賢之興舊章足率千世無以易也爰以勒樊公之功與樊公之德永

垂於不朽云

盧德行撰

薛松軒書

大清光緒十二年十一月十二日

禁革緒衣車費碑文

光緒十八年邑庠生

袁子芳

地方之利弊民生之休戚係焉為民父母者孰不欲除弊以興利而卒能弊絕風清者甚寥寥也蓋弊不一端一時之弊易除多年之弊難除一家之弊易除萬戶之弊難除其弊之隱微不顯而諸弊雜出其中尤未易除吾邑有弊政焉凡招解命盜諸案一切之資向攤取於出事地方名曰緒衣車費其始不過借

資民力而已繼則積久相沿莫之更議迄今已數十年矣邊地民風好鬪良莠不齊人命盜劫之案各社皆有攤費之家難更僕數每解一案民攤百金屢解屢攤一案不了攤派無穷如蠹役惡約訛索多端民不堪命其間之刁滑者圖省攤派小費私和地方巨案遂有匿命諱盜之弊而上之拘泥者往往攤累之於民則不忍出之於已又不能又有壓案積牘之弊久懸滋遂至百弊叢生而無可補救惟我筱泉賀公深究弊源洞燭弊竇下車伊始即毅然禁革清釐積案百數十起一切費用悉出捐廉不取於小民尤恐年遠變易遂俯從紳耆所請稟准各大憲立案永遠革除舉向之億萬戶痛心疾骨積數十年莫能挽

回者塞其源清其竇俾吾民休焉息焉脫然無累後雖有作弊
之人舞弊之心而不得借此以魚肉吾民可謂一弊除而百弊
皆除也已夫賀公之善政多矣而獨記此者非略也除凶暴以
安良善遇災歉而施賑濟設書院建義塾凡所以教養吾民皆
彰彰在人耳目無待記也惟剔弊於隱微不顯而樂利莫可名
言敬勒貞珉粗傳崖略以示不忘之意云爾

輔翼書院碑記

光緒十八年二月

運同銜懷德縣知縣賀瑱

國家養士於學迪以師儒厚以廩餼考以道藝良德美意燦然
備矣而推法外之意使有所居游相觀而善變弇陋以宏通樹
閭閻之坊表以仰副聖天子作人之雅化司民者之事也懷德

地處邊荒民多喬野自設縣立學校頑梗斂跡然求其家絃戶
誦猶未之逮余下車伊始整飭捕務嚴懲賭盜數年來境頗安
謐然法令者制治之具禮義者出政之原使非講學明倫漸以
陶淑其性情俗奚以上况此地秀良子弟多可造就徒以政著
無資往往輟業即有志者不爲俗累又多散處鄉僻無所磋磨
余於是設義學興書院之舉第需欵甚鉅加以政務倥惚遽難
酬願戊子春捐廉設義學一所而書院區字僅存幾有廢莫能
舉之勢復於庚寅夏竭力捐廉首先倡率並請本學訓導曹君
勸諭闔邑紳富共襄善舉好義者無不踴躍樂輸數月間已集
多款遂名書院曰輔翼辛卯二月延師開課甄別生童擇其文

行兼優者送院肄業資膏伙課以科舉之學而旁及於經古策
論詩賦務令講求學術檢束身心篤天良葆有恥文風日上且
與型俗有裨秋間復邀紳耆分投續捐茲已集有成數遂妥擬
章程詳請立案以垂久遠特誌其緣起並鐫樂輸姓名於次用
昭激勸古不云乎功待人而成顧力如何耳然觀於既成之後
未必悉爲之之難也後之官斯土者踵華增美正難頌量而區
區爲一言者欲其鑒余與曹君翹始之非易實力舉行無使久
而弛焉且質之肄業諸生厚自愛以免有文無行之譏則尤余
與曹君所殷望也夫

興隆寺梁公豁免田租碑

光緒二十三年十五日
監院緒獄立

孫嶽金

國家優待沙門俾各府州縣設立叢林廣行慈悲意甚渥也然必好善者倡義於前而名望又足繼之庶一方人民胥仰焉此廟自肇建以來舍饘粥施衣鉢及一切締構經營衆施主相與有功然求其輕財重義而了無顧惜者則尤莫過我梁公公字豐年花翎三品銜管理公益局事務倜儻生平樂善不倦復慷慨好施而斯廟之功德尤著凡於修造動工事公必集衆會議助成義舉此廟舊有房基二段熟地數段歷年納租共市錢五十吊有餘及公蒞事親自稟明將此項施舍在廟以爲香資而特恐久而無憑也遂同換大照以爲券契於是商民無不感焉本街公議會共施錢一千吊整皆公倡爲之力也夫公之功德

其廣如此其名望又赫耀聲明如此而所以惠我沙門者則又本諸心術性情而非弋譽沽名之舉則凡血氣之倫其孰不勉焉樹閭閻之坊表人懷濟世之心印證果於釋迦共切藏修之願則庶幾哉菩提無樹庇蔭彌多慾海有航拯濟者衆其有裨於世道人心也豈鮮淺哉雖然公之功德非其事不傳尤非其人不顯則監院之所關甚重矣當監院執事之始廟中時勢幾不忍言幸賴梁公調恤而監院又能善敷所施不戾於正故能經營擘畫成就準繩蓋監院之功因梁公而益著實梁公之德賴監院而愈彰微梁公無以成監院之美微監院仍無以遂梁公之心也故具監院之名於梁公之後非敢云媿美梁公也惟

其後之人念茲典型勿敢廢棄撫今追昔不生此疆彼界之思
謹小慎微勿忘憂盛危明之懼而監院之功德不泯即梁公之
功德常昭即衆商民之功德亦因梁公以並垂不朽也爰乃銘
曰惟我公之磊落兮惟自慈祥旣施恩於無已兮復錫類之無
方其惠我沙門兮德合無疆免輸將於畢世兮更推解以爲常
人情於珮璲之惠兮尙不釋於中腸况此沒齒之難報兮究何
日而可忘又曰雲山蒼茫兮江水汪洋惟我公之姓氏兮奕葉
流芳山之高兮水之長梁公之德不可量

縣立高等小學堂落成記

光緒三十二年九月

趙晉升

自庚子以來朝廷變法自強詔停科舉立學堂海內風行漸著

成效而尤注重小學良以普教育端本原胥於是乎在獨我東省以日俄交闕未遑也乙巳冬貴州廖公宰斯邑曾集紳耆議籌款建學舍鳩工庀材粗具端緒而公遽以升遷去今春榮公重蒞斯土下車伊始即以開辦學堂爲急務惟事屬創舉監修需人猥蒙同人等謬以鄙人荐而縣尊遽委以承乏伏念學堂者本國家維新之要政亦桑梓開化之先聲義務攸關奚容諉卸遵於三月二十一日從事經始第以料物難齊夏雨多阻遲至九月始蒞工且款項無多一切工料均須遷就不惟不敢過事鋪張並不能概求堅緻兼以學堂圖識未經通行規模位置誠恐有不盡愜人意者惟是一磚瓦之微一木石之用未賞不

曲意經營躬親指授此則私衷差堪自信者耳而或謂以社會公捐之款供國民公益之需雖繁費庸何傷抑知兵燹頻經閭閻凋敝錙銖悉兆姓之脂膏涓滴亦國家之元氣是以兢兢維持力從樽節較私工爲尤甚而勞與怨所弗敢辭也伏願諸君子肄業此間者受公廬如吾廬視衆物若己物所謂普公德結團體者未必不基於是若以非我固有即污穢殘毀之不恤是同邑而秦越鄙甚亦徧私甚諸君豈其然乎當此時局艱難需才孔急果能品學兼修賢材輩出則斯堂之設且將與鷺湖鹿洞並垂千古矣而鄙人區區之微勞又奚足云至於德業期諸遠大器識務在宏通勿染浮囂勿蹈佻達則又各學堂之要義

勿待鄙人之越俎而陳矣

卡倫屯碑

懷德縣行政公署佈告

爲佈告事前據無量宮監院秦圓林稟稱卡倫地方爲縣城至公主嶺大道原有土橋一座每遇洪潮漲發水平河岸交通隔絕監院體道門慈善之旨情願獨力修建此橋以便行旅當准並分令警團協力保護茲復據該監院稟稱費款小洋一千六百八十元工閱五十日業已竣懇請出示勒碑保護前來本監督查該監院不惜鉅資不辭勞苦熱心公益殊堪嘉尙爲此佈告該地方紳商士庶極力保護遇有損壞隨時修理保此善舉

此佈

懷德縣知事尹壽松

中華民國七年五月三日胡永堃敬書

懷德縣知事儲公德政碑

民國十一年公立

趙晉臣

國家設親民之官以衛民而安之也然非有視民如傷者任之則且漠視民瘼而不爲之所衛猶未也安於何有邑侯儲公古所謂視民如傷者也己未冬蒞懷德巖邑也下車伊始即詢民疾苦知邑中防不勝防避無可避者惟盜是患乃本辟以止辟之意嚴緝之有所獲立予訊鞠得實則置之法無枉縱計期月中獲盜蓋百數十人云兼之厲行保甲既清盜源復絕盜俎

於是數十年我民所疾首痛心而未嘗一日即安者公竟爲之
闢桃源焉然而公且欲然謂政在利民僅去其害未已也遂乃
振教育清積案善外交添修工廠繕治道塗創設電話提倡儲
蓄凡爲民籌罔弗周至傳曰民可與樂成難與謀始推公之心
殆謂職分內事皆性分內事吾實心實政蘄無負乎親民之名
義而已難易何知焉公家故望族學有淵源年十八筮仕來奉
歷鐵開等五縣推官皆廉能有聲茲故勒石碑邑之人知我公
所以痾瘵在抱躋斯民於上理者其來有自 公名鎮字鐵生
江蘇宜興人頌曰猗歟我公家聲五鳳一麾柳邊甘棠歌頌公
始蒞境境內驛騷鋤糧鋤莠樂土樂郊虞治朝歌龔治渤海是

慈惠師是神明宰願公久任俗美化成疇其媿之單父武城

呈文

孔憲熙

呈爲呈請核轉褒揚事竊維任卹睦姻詳於周禮振民育德載於彘經苟能實踐於躬或襄成其事皆有功人心世道可藉以易俗移風茲查有知事外祖梁餘三公現年七十歲係奉天省懷德縣籍當知事年十九時先嚴見背家貧失學公以知事尙堪造就命入塾同兩孫讀衣食書籍皆資之越數年知事童試獲選一應費用公皆優給不稍吝嗣後肄業中校暨應優貢試亦皆由公資助知事以窶人子得通籍筮仕爲國效力雖拔擢出自所事長官而所以能讀書應試實皆受公之賜同時公有

遠族之孫名國祚者幼年失怙公爲之延師讀書供給一切國祚甫入泮而科舉即停公納粟五千金爲捐一科中書俾有進身之階又光緒甲辰懷德興辦學校以無款不能舉公慨捐二千金助成其事今公年已古稀而慷慨如昔綜觀以上各節教養兼施切韓滉慶門之望本根是庇逾希文瞻族之恩至於肇啓宏規佇盼蔚興杞梓慨捐巨款尤爲蔭溥枌榆值此世風不古之時能爲仗義疎財之舉其行誼實與修正褒揚條例第一條第三第六兩款相符知事念一己出身之原暨梁公好義之勇且其親屬鄰里之在浙者又能具書證明爲此造具事實清冊並加具證明書連同前項證明書暨應繳註冊費銀九元備

文呈請鈞長俯賜察核專案轉咨以獎善人而勵末俗實爲德
便謹呈

遼東懷古

榮文達

幽營半壁劃星躔溟渤紆迴日出鮮禹跡有經闢東北舜封無
石勒山川島夷猶想名皮地肅慎難尋貢矢年本是強秦威不
到誰藏太子助窮燕

其二

雄才漢武拓邊寬汕涓遙書太史官菟郡虛名分四境虎神遺
俗紀三韓安邊太守宣威易出塞將軍讓美難莫道度遼征戰
苦敢憑劔客靖烏丸

其三

石祥延里起陰謀鸞輅旄頭我豈侯五國妄爭遼水長一星遲
隕首山秋偏隅坐大如矜豕樸俗難忘是盜牛來去寓賢虛設
館一帆仍上海天舟

其四

鹿侯吞雹啟鮮卑封往遼東事亦奇名士眼驚命世器隱流胸
有霸王資江南一馬猶修貢山上雙龍詎足師何用夢祥嫌嚙
臂有人捫鋏指軍揮

其五

將軍三箭氣飛霜駐蹕山驚草木荒鴨水醋杯澆海表鳳城詩

筆怨遼陽基開鴻範流傳遠物產狼毫文字長但祝惡氛鯨浪
息屏藩東道進名香

其六

遼水蒼涼起暮雲遼山木葉悵秋墳秦歌宮諷官家事梁籍亭
燔太子文拊背朔方雄五代亡唇南國悔雙分無家恥作西藩
客殿瓦醫閭幾夕曛

其七

雄豪起舞酒杯傾金帝詩詞讖汴京五色雲中天子氣萬人江
上女眞名黃龍最恨書生計白馬猶嚴太子兵莫更冬青尋二
帝瞬看五國亦荒城

其八

驅除諸部事如塵失計前朝鑒更眞葉赫間謀餘戰壘松山哀
詠屬詩人九邊豻獄長城壞一水鴻溝大廈淪天遣鎬豐佳氣
滿葱葱烟樹萬年春

秋柳

津亭極目總銷魂冷落青袍怨白門拖地香塵扶舊夢向人涼
露泣新痕啼鴉多近長橋渚歸燕來商夕照村莫過章臺重回
首畫樓風雨不堪論

望到關河覺欲霜生憎搖落傍蓮塘難招畫舫歌時酒愁檢深
閨嫁日箱十里行宮悲煬帝六橋空水老蘄王秋鶯一段從頭

語髣髴南朝舊教坊

珍重當時綠汁衣殘膏賸馥是耶非
風前漢殿愁烟起笛裏陽關舊雨稀
斜日忍留征馬駐空江猶引塞鴻飛
年來敢怨多攀折但報王孫願莫違

臨風嫋娜我猶憐鎖遍長條祇晚煙
春夢過殘空荏苒舞腰消損也纏綿
風流張緒誇當日蕭瑟庾郎感暮年
一曲豔詞聽不得秋山眉黛酒樽邊

再疊原韻

一眺高城欲斷魂續詩吟遍武昌門
三春細雨成塵影一夜西風蘸水痕
無復白花迷酒市好教黃葉憶江村
燕鶯老去笙簫

歇斜日虹橋忍再論

秋信南來白燕霜淡煙和月墜銀塘逢場詞闕愁催鬢出塞書
成怨啓箱此日流殘洛中水當時曾嫁汝南王向人猶自垂青
眼曾閱繁華碎錦坊

曉風消息怯秋衣領略炎涼往事非淮水月明歌席散灞橋人
遠麴塵稀門前已道藏烏晚陌上誰看去馬飛回首冶春花事
早六朝如夢故情違

天涯憔悴故應憐新水河邊有翠煙秋士風流殊落落故人情
緒尙緜緜曾將張敞爲游侶祇怕王恭負少年忽忽關山吹玉
笛浪游心醉驛亭邊

三疊原韻

躍馬秋衫悵別魂五雲宮闕苑西門酒人再約猶成侶春事重
談欲覓痕坐客休歌金縷曲儂家願傍莫愁村文章瘦信眞哀
豔江北江南不可論

一別金城更幾霜夕陽亭畔是迴塘祇今畫閣疎臨水曾爲油
車拂到箱袖底漫翻大垂手樽前怕唱小秦王稜陵花月秋孃
感暮雨肅肅走馬坊

消夏池塘冷葛衣山川綠酒景初非折枝密意芳菲減鬢黛清
愁領略稀汴水宮燕蝴蝶瘦姑蘇臺近鷓鴣飛曉風殘月江南
岸一拍檀槽客夢違

鶯歌珠串本相憐遙訪前游已碧烟舊雨綠蕪江漠漠曲欄紅
豆思絲絲竹西明月題詩後湖上春風記夢年落葉哀蟬催一
闋萍因絮果古愁邊

寒上古城懷古

即新集城見古蹟門

趙晉臣

建修何日毀何年興廢難憑父老傳杖策登臨尋故事恨無片
石紀燕然

其二

良維王氣鬱山川耶律完顏迭起年此去黃龍百餘里故應鎖
鑰重雄邊

其三

臨黃建號衆酋并百有三城壯翰屏滿萬兵來如破竹千秋遺
恨海東青

其四

故國銷沉故壘荒猶餘殘鏃蝕風霜柳條邊外城相屬強半遼
金血戰場

其五

渡海通金約取燕女真孰與契丹賢歲輸金幣知多少黃土猶
埋趙宋錢

其六

冷月荒郊走碧燐何人爲弔老胡墳劇憐五國冰霜域二帝猶

羈客死魂

其七

彈丸遼左固金湯
金室南遷故未荒
一自和林張撻伐
邊庭城

堡幾滄桑

其八

東盟東部首歸仁
公主烏孫誼最親
不必受降城更築
於今遊

牧牛耕屯

流民

歲卯辰間奉直大
水西北貧民流徙
吉黑境者自冬徂
春絡繹於道重繭
負擔託鉢沿門無
病且死者比比也
司牧者知之否

耶

有村皆島嶼無地不龍蛇客路三千里沈災十萬家愁牽邊驛
柳淚滅故園花已作吹簫侶敢辭來食差

涕泣辭鄉土飢寒耐客途任教門若市忍靳米如珠豈望王孫
報真成鄭俠圖無知小兒女擔負尙胡蘆
嗷鴻飛不斷迂路我門過僻壤猶如許衝途更若何脫身皆樂
土容足即行窩誰爲謀生殖揮鋤亦荷戈

甌脫良維懸何人議墾邊移民方實塞曠土幾成田逃死自遷
地好生惟籲天却因值荒歉荒服萃人烟

秋登塞城

大塊由來一海漚云何鐵甕又金甌臨風漫讀燕城賦話到滄
桑鳥亦愁

荆榛荒處泣銅駝故國河山喚奈何古樹西風秋颯颯城頭猶
自戰金戈

樓臺人物一時空滿目簫條夕照中千古金湯餘瓦礫經來秋
月復春風

冬夜塞上旅行

策馬邊城道清宵望眼空斗垣低漠北輿地拓遼東門掩荒村
月帘飄野店風關山人已老雪迹感飛鴻

寒夜清高氣都歸客子車樹凋風有韻雲斂月生華積雪迷官

渡殘燈認酒家輸他一枝借同夢穩棲鴉
飽嘗行役苦又作夜征人馬氣蒸銀鎧車燈走碧燐沙凝疑碾
玉地圻屢箝輪愁聽朔風緊拳簾暗沸塵
巖疆三百里日患寇氛侵况屬宵征客能無警備心弓蛇時誤
影風鶴暗聞音叱馭星馳去無言拂雪鐔

憫農行

癸巳夏五霖雨彌月伏陰生寒雹災繼至邑本巖疆盜氛素熾
值此荒歉連歲民何以堪感而賦此
叱犢急春耕畢耨遲膏雨一雨抽勾芒歉聲臚萬戶非種忙爲
鋤節已近端午鳴鳩正喜晴何來商羊舞恰逢甲子辰忽遘雨

師怒倒捲滄海流滂沱灌下土雙丸旋碧空黑雲鎖不吐白晝
天無光昏昏歷交五緣溪屋作舟入市人乘艫枯苔旣已甦宿
莽爲之腐一朝陰霾開白日穿花隴畚鍤易耰鋤補屋兼築堵
何期朔風來玄冥揚神武剪取冰洋冰擲空蹙飛弩殺草甚霜
華良田倏已竄吁嗟我農夫胼胝一何苦水雹重罹災安望多
黍稌萑苻日滋蔓虎狼紛余侮飢與盜爲媒邊庭無寧宇搔首
問蒼蒼斯民何薄祐

九日飲古城

天風吹處淨無塵 霜葉凝黃沐雨新 豈謂登山堪避劫
清秋臨眺本怡人 擬步高蹤太華巔 城頭一覽九秋天

振衣千仞平生志
纔脫塵埃便欲仙

落霞孤鶩擅詞章
故車臨風話馬當
願得新詩酬令節
樽前分韻賦重陽
欲仿龍山醉菊觴
蕪城雲樹總蒼涼
黃花也怨西風早
未到花開已傲霜
鐵騎凋弓慣射雕
胡天故俗說金遼
荒城不是新亭宴
莫弔山河負酒瓢

書懷

倦遊重返故園林
眼底風雲變古今
旅雁驚霜憐鐵羽
寒蟄弔月抱秋心
閒中世事看棋局
醉後狂歌拂劍鐔
撫罷無弦琴一曲
羲皇好向枕邊尋

詠史

約金攻遼遼祚絕約元伐金金源滅憑陵華夏幾何年一朝共
慶仇恥雪奈何二國旣淪胥汴京臨安愈杭檉徽欽終羈五國
城罡昞空喋南州血唇之旣亡齒亦寒木惟先腐虫乃齧盟書
誰敗覺誰開兩宋外交如一轍嗟嗟花石使者民怨結蟋蟀相
公國枋窳碑鐫黨人甚漢唐仇視道學甘吳越內政依樣畫胡
盧果然家法崇紹述杭州歌舞等汴州臥榻鼾眠初不恤忽然
北軍軍臯亭戰和遷守計無出和林王氣鍾中原禍據完顏與
耶律莽莽神州驀陸沈神明胄裔奴胡羯一片乾淨土無存一
塊趙家肉已歿空餘著錄諸遺民首陽山下甘薇蕨冬青詩句
杜宇悲朱鳥歌聲竹石裂君不見累朝邊患胡爲烈歷代國交

宋尤失嚮晨鉅萬金幣輸暮已半壁河山割矧當羣雄環伺年
爭倡方罫劃分說嗚呼昔日異族今一家金甌無任他族缺

傷亂

一鼓挫強胡尅期蕩羣醜約和縱之歸不殺意何厚何期甫首
途沿途肆攻掙外兵偃導前亂黨虎躡後烈烈神祝融助虐假
其手毒燄村復村黑雲捲黃垢迺敢恣凶殘淫掠及男婦片言
或抵牾性命輕芻狗大軍莫之撓居民焉敢守河柳作仙源田
禾成逋藪我德愧康成禍恐黃巾受家衆盡嚴裝倉皇駕四牡
出門僅里許偵騎抵門首河梁古道邊伏莽滋已久居慮燬蝸
廬行虞投虎口所辛衆志堅相期無相貞風鶴雖頻驚倚劍叱

馭走暮宿望故鄉
劫燹灼牛斗

避寇

日晡載孥行言投邑中宿道路一何長
晷刻一何促
驀地銃一鳴
心膽爲整肅
班馬噤悲嘶
稚子春聲哭
豈果馬行遲
爭如人意速
日愁無戈揮
地憾無仙縮
晚抵戚屬門
門前車擊穀
入見主人車
纍纍載囊籠
云欲入城居
冀以全骨肉
特恐門禁嚴
昏暮難剝啄
今夕恰逢君
暫掃愁千斛
明朝歌北風
携手相隨屬
曉聞盜入村
一夕四家覆
擄人如繫囚
質之以勒贖
命駕且登車
恨不群醜戮
但誓死亦甘
那計生爲福
冒險亟前行
行人效忠告
前路禾稼叢
隱人影不孛
乃飭我戎裝
乃窮我耳目
草木

盡疑兵如敵臨背腹賈勇陟東臯主僕力皆勦險要一時過弧
矢韜韞箠忽聞前導言有衆伏深谷如賊矚兵然一人居高屋
按轡稍稍前乃知我軍伏詢係偵者云胡馬欲東牧附郭卡數
重嚴防天驕撲我聞意稍舒庶幾莫予毒

亂定歸里

狼烽千里徹胡邊大有年逢浩劫年亂後人還乾淨土驚餘夢
穩小遊仙花開故里天然酌月到華堂分外妍尙望渠魁俘馘
後犁庭早著祖生鞭

胡馬長驅已挫鋒伊誰兵械竟潛供鵲巢奪據將軍恨燕社歸
飛客子蹤菊酒互申同室慶芸編親啓昨年封從來筆陣千人

掃願託吟毫靖塞烽

釣歌

吞鈎魚羨餌垂釣人羨魚羨魚爲魚美羨餌爲餌腴人物嗜好
豈殊途奈何一則悅口一捐軀假物爲餌以餌餌術利用誘智
誠殊忘已之餌以餌餌明蔽於貪計實疏魚乎魚乎餌原爲爾
設爾何爲餌愚置身水國中何地不江湖魚則游沼如游海釣
則守竿如守株豈如王孫鞬鷹牽犬獵平蕪金丸馬上追殺兔
與狐爾何不海北游南溟徙搏風直上三千里寧虞龍伯國連
鼈施絕技又何不燒雷火躍龍門飛升九五天那怕任公子餌
猶投長竿即不然而暖柳花戲蓮葉混沙虫習伏蟄網罟莫之

櫻鉤距更何懾惜爾不能爾倏罹恒沙劫吁嗟乎癡龍受豢且
防屠名駒就繫爲生芻何況肥甘藏醜毒類因口腹喪頭顱魚
乎魚乎見幾不早見利趨朝侑黃公墟暮供郇公廚刀俎皆自
取何謂余無辜爾不見王者之師帝者友也曾渭水桐江作釣
叟無尤且自咎

對書歎

書惟英年讀最好而我勤讀愧不早書豈畢生讀能了况我耽
讀年已老神衰有典祖皆忘目暗無書字不小釋夙惑若償夙
逋得異聞如獲異寶雖非書淫書癖並書癡却似魔障糾纏難
禳禱時惹室人笑且嗔何事孜孜尋苦惱把卷縱爲舉子忙公

車豈上長安道我聞此語亦云然結習爭如難自矯如烟如海
卷軸多非斗非石才華少歲序千金買不回墨汁五斗飲難飽
我願爲邊孝先終日眠收集杜庫曹倉鄴候架都貯復筭無遺
編一年七夕一坦曬何須日披錦帙抽牙籤不然化爲白蟬寄
縹緗生長書叢書爲糧珍羞天祿石渠品饜飫鄉嬛宛委香食
神仙字且仙去豈書生老死牖下所敢望我自癡心挾奢願可
能凡骨三生換恒恐夢庚吞篆不世才較他科名富貴天尤靳
吁嗟乎世充沈水秦皇燒後世禁毀嚴科條未知冢中之書井
中史幾多秘籍埋蓬蒿安得我生三萬六千日將未讀未見之
册爲之萬目縱觀萬手鈔庶奇字不更問於揚子而入門不見

阻於崔儵

感事

卅載經營說海防居然戈甲闐蕭牆稱兵亂豈方安史守土人
偏笑許張鄂渚衣冠潛滬漢楚江烽火澈川湘如何半壁南天
遠倏作羣雄逐鹿場

黃農帝國五千秋底事興衰判亞歐伺釁人方駟臥榻操戈敵
竟起同舟空聞聖主寬投首寧見將軍誓斷頭爲問濟川誰作
楫拍天駭浪正橫流

五洲成迹導前塵趨步如何覆轍循川瀆隄防終猛潰龍蛇蟄
伏總求伸蘆潛伍相仇尋楚木徙商君治遜秦摧抑民權誰釀

禍漫將黔首誤黃巾

柱石東南重寄膺闡茸才具可能勝夢魂阿堵和嶠癖氣節銷
磨味道稜三窟巖林營狡兔九宵風雨鏃搏鵬笑渠網已吞舟
漏逮問猶爲白簡登

變通籌備總虛文管蔡由來穢德聞鞠部清歌娛白雪柏臺直
諫斥朱雲封疆利用仇民吏海陸虛誇愛國軍政治維新人自
舊誰知首禍卽元勛

龍興薄海懾天威芒碭雄風竟式微軍典王孫誇宿衛壇登孺
子誤戍機長楊大閱師期阻細柳留屯戰策違尙望長城檀道
濟同袍眞箇賦無衣

讀退政詔有感

一籌誰爲九重紓九鼎輕如一介輸賓客王家眞杞宋倦勤帝
位小唐虞宮廷有主權稱制柱石何人任託孤玉步已更名錄
在果然揖讓勝征誅

客星炯炯斗垣隕退政倉皇詔語哀二百年恩深雨露十三省
變迅風雷寬閒天子名虛擁寄寓皇家例特開明遁滇南元朔
北名園猶是小蓬萊

依然綸綍九天宣意自悽惶體自尊種族幾曾消滿漢歷年原
已邁金元空餘玉牒綿皇祚賴有金錢報國恩最是王風夷邺
衛那堪回首望中原

紅果銜來帝祚開
闔門潭上白山隈
威行雷電興王檄
運際風雲佐命材
一劍龍顏安漢鼎
千金駿骨市燕臺
當年豐鎬明良遇
漫向穹蒼向劫灰

雜感六首

五洲教育日文明
尊孔尊經制漸更
俎豆官虛秦博士
詩書澤斬魯諸生
儒宗寧藉廟祠重
吾道轉因忠孝輕
莫更異端攘二氏
護持新令出神京

鼎革人才盡楚翹
功名拔地倚青宵
邦基觚觔支傾厦
宦海風雲湧怒潮
黨派惟知仇蜀洛
侵陵那復問苻姚
勸君細繹同舟義
一躍共和莫浪驕

胡馬南來忽抵洮專征上將擁旌旄羽書絡繹邊風緊刁斗森
嚴旅雁高漢塞勛名思衛霍秦關鎖鑰重恬驚如何三百年綏
服佛子偏揮戒殺刀

搜車索馬一朝訂軍事勾通說日蒙敵國先聲秦俗悍官場故
智宋人聾詰奸寧慮關津阻出境居然斥堠通內政外交究誰
屬桃僵李代太冬烘

軍裝驀地運強藩謬託鎡基備墾屯豈爲龍興資朔漠還教鹿
逐敵中原羯羗割據空紛擾秦楚連衡總并吞不有邊城良將
在居然揖盜盡開門

飛電傳來密令行楚囚授首夜三更商郊也奮揚鷹勇漢將空

悲走狗烹彭豕論功爭黑白溫犀燭怪洞幽明上書質問渾多
事黨議奚煩月日評

悼花篇

昨朝花盛開色與香俱好今日再看花過盛已漸槁豈真司花
神斫人眼福飽消本長所基苑實枯之兆有盛而無衰化工窮
神巧絜彼錦繡叢何人不傾倒或炫美人粧或生文筆藻或散
天女香或勤仙僮掃旣蒙相賞多何憾閱時少獨有愛花人睹
之傷懷抱杖頭一以墜綠章空祈禱羯鼓難更催剪綵誰更造
優曇剎那間來去一生了綿茵固無言藩溷亦奚惱是知富貴
花不如幽芳草然使花解語應亦辦之早人惜空花空花笑老

人老花事逐歲新人事年頻擾灼灼天台花歸來迷晨肇百年
日暮耳與花孰壽考

人老花事逐歲新人事年頻擾灼灼天台花歸來迷晨肇百年
日暮耳與花孰壽考

人老花事逐歲新人事年頻擾灼灼天台花歸來迷晨肇百年
日暮耳與花孰壽考

懷德縣志第十六卷

兵事

兵凶事也奚以志志懷民之不幸也懷德古列荒服即有時區爲郡縣諒亦不識不知鑿井耕田已耳非如通都大邑奢侈逾度道德云亡遂致上干天怒屢降紅羊也而竟有兵事焉謂之不幸也固宜至若保衛地方奮勇死綏或其捍禦強盜舍命保家固爲血性男兒北方之強也而褒揚未及恤典不加強使不書以傳信恐再閱百數十年即其姓氏亦湮沒不彰矣不亦不幸中之更不幸哉爰采其事之重要者著於篇述兵事

中之更不幸雖毀乘其幸之重要善善也謂敏共事
以辨計恐再聞百選十爭則其技刃亦斷於不獲矣不幸
案固為血指與泉北次之繼也而身懸未氣並與不感則不書
不幸也固宜至若於書此古書復其難為其辨雖欲盡會命則
更道斷云白者錄之于天怒無利於羊也而黃昏又事滋陰多
為游神痛亦不痛不似非特田口耳非眼能辨大也委者
矣因事也矣以志志則久之不幸也動靈古既荒州則百利則

吳事

懷德縣志第十六卷

兵事

三教寺賊圍會總之戰

同治二年五月十八日盜首倪洛疔率賊匪四百餘圍攻會
總張廣義院內能應敵者僅十八人初戰時以暗擊明尙斃賊
數名嗣賊入鄰屋中穴壁爲炮洞俯瞰以擊院內幾不支幸有
僱工劉某踰垣火其屋乃退去戰有三時之久院內子藥將盡
再延數刻恐有覆巢之虞然而卒免於難者賴此工人之一炬
當鎗雷彈雨之中冒九死一生之險該工人可謂食焉不避其
難矣視夫食人祿而不忠人事者豈可同日語哉

鄉團八家子戰賊敗歟

同治二年八月十五日盜首袁地雷率賊三十餘名住東街路南瑞興店黃花甸子會總董躍帶領會勇前往勦捕從關帝廟進攻初戰時即歿會勇二名銳氣已挫嗣賊從該店東大門出繞至後街抄其後路會勇盡逃去該會總尙不知也乃同四人依廟東一豬圈奮勇擊賊無如歸路已斷四面受敵子藥罄盡束手就擄賊縛爲的以之演槍畢則合前二屍聚而焚之比及賊去家人覓屍則莫辨誰何不得已而合葬一邱焉城西義地迤南有一高大之塚即七人墓也嗚呼生未嘗食餉糈歿不蒙卹典殺身燬屍不得歸先人之故壟悲哉慘矣

八家子鎮大股賊攻小股賊

初知昌圖廳事海公在金家屯之遇難也而八大會之會勇戰歿者甚衆敗後不能成軍而散勇糾合匪人自成一幫亦無的名人呼之曰小幫於同治三年十二月十一日共三百餘賊進八家鎮住東大橋西店內彼時鎮內未設衙署又無營兵每遇賊來惟有鼓樂歡迎欲免賊之不焚掠耳而花錢則不論云無如此股賊匪勒索愈苛及十二日議猶未妥馬傻子率八百餘賊又至商民仍前出迎此小幫亦不得不去拜見大幫亦未動聲色同住街內詎至初更後大幫忽起而攻之斃小幫三十餘餘皆逃竄逃後雖不無爲賊者而此小股之名則已絕矣嗟夫

始則拿賊繼而做賊宜其見惡於賊也出其不意襲而殄之豈盜亦有道歟可爲懷貳不終者戒或曰商民使之亦未可知此股賊匪分文未得亦鎮中商民不幸中之一幸

八家鎮官兵與賊戰

初京兵由省北來也省兵亦與之俱京兵因長春告急從南道趨援之而省兵即赴八家鎮領兵者有所謂木大人花大人者帥八旗馬隊四百人并南城投降馬隊二百名康洛疙疸與白胖子二人帶之大炮十二尊駱駝六隻軍容甚盛於同治四年正月二十五日至街住世合棧院內時已二年餘未見官兵商民均喜出意外二十七日聞雙城堡有賊降隊往捕奪獲大車

一輛詎大股賊攻長春未克而京兵已到賊乃率衆西來三十日降隊復東偵探獲一穿紅蟒賊已遙見賊衆逼來遂將所擒送營并調兵及炮車迨官兵遲遲出院賊已近街東兵聞槍聲並未赴敵亦未稟知統帶逕從西門而逃比降隊退入世合棧僅餘木統帶一人而已先是木統帶在公館靜候捷音降隊退回始知本隊已逃方欲脫身賊已填街塞巷矣乃踰垣而避之入儒林堂藥舖僞爲病人也者始免於難賊去後乘薛家館驢以旋省降隊在世合棧院內與賊格鬪片時見勢不支亦奪門而去是役降隊戰歿者三十餘人炮車輕重盡陷於賊官兵則未傷一卒云

京兵朝陽坡之捷

同治四年正月三十日賊首馬傻子擁衆萬餘踞八家鎮另有小股孫九工馬保山等二千餘由北道赴鄭家屯爲博噶台忠親王所殲馬傻子於二月二日率衆趨朝陽坡蓋遼河冰汛方急賊欲西渡非至該處無橋以濟也初三日京兵躡及之以天晚未進初四日已刻布陣該市之東賊亦整隊出迎賊之故智遇敵輒連騎衝突名曰闖隊恆以此得志是日仍逞故技京兵見來勢洶湧乃伏田壟以待度子彈能及臥擊之賊多落馬而退三闖三退黔驢技窮各無鬪志兵起乘之遂大潰爭橋競渡墜河中者無算逃過河西馬傻子僅率二千餘南奔邊裏而去

餘盡作鳥獸散是役也陣斃賊數百名落水及散後被鄉民戮者亦數百名共不下千計自此一敗塗地賊勢不復振矣

三家子三道崗鄉團戰賊

同治五年四月秒盜目李洛疙疸等率賊二十餘搶長春界雙城堡街不數日嘯聚七十餘賊於五月初九日由三道崗至秦家屯盜目三人李與曲鳳係土著惟高椿子乃是遠來者至街但索鴉片漿未肆擄掠一飯而西至小兩家子搶茂盛福始蹈被殄之機先是三家子沈萬成聞賊至秦家屯來見賊目問其何往賊以八屋對沈云似此路經敵村幸勿見掠賊云此亦易事惟軍火不足望代籌措當時蓋兩相允許及沈歸途人問賊

耗沈云無妨以故茂盛福之被掠毫無準備及沈聞信前來已
搶畢矣乃怒曰似此所爲即有軍火尙留以擊爾賊恐前途有
伏初更後退至秦家屯南宿焉是夜沈約八屋鄉團合三家子
鄉團共集馬隊三十名初十日黎明至秦家屯因天微雨土槍
不便燃於是遂扣豐聚當門避雨值盜目曲鳳在該舖坐索錢
財遂縛之適又一人扣門問所爲答云投大隊者蓋疑鄉團爲
賊耳亦縛之少焉雨霽踰橋南往捕賊而賊之全隊尙在南陸
家屯惟李老疙疸獨宿橋南二里許之舊日私家初該犯曾約
北方之賊匪合股見鄉團北來誤爲所約賊到乃徒手乘馬出
迎即近見事有異撥馬而回鄉團彈中其臀落馬又縛之大股

賊聞鎗聲已作準備迨鄉團前往賊乃整全隊出迎鄉團以賊衆恐被包抄乃列橫陳下馬担鎗於鞍以待賊不敢進相持片刻賊後隊有遁者團勇乘馬猛逐之乃潰鎗斃賊四麥田搜獲者二餘賊奔東南比及三道崗剩十餘騎該處鄉團亦起迎頭奮擊戰斃賊二生擒者三高椿子亦在內云是役也二團共斬賊十四名三盜首無一免者團勇未傷一人自同治二年以來鄉團已久不敢聚此爲馬賊亂後之餘波亦鄉團再起之萌蘖也

西劉家屯楊家大城唐統練擊賊

光緒二十六年俄人之復來也到處搜括軍火有因此累及身

家者民間聞之不勝憂懼蓋以土匪不靜雖賴鄉團互保尤藉軍火自衛果被搜去安得不任賊匪爲所欲爲乎俄之大拂民意唯此爲最然民之所憂實賊之所樂以故奉化北境於九月初忽盜賊蜂起有棄農事而從賊者不數日間聚有數股緣與懷境一河之隔統練唐玉和恐其蔓入境內帶隊西往查道於是月初十日至三家子午殮聞西劉家屯有賊七十餘捉去牛梁楊三姓三人勒贖乃同三家子等團前往勦捕至則賊已西往乃督隊趨追至頭道圈後及之將擄捉三人如數打回戰斃賊二生擒綽號掃北等十一名餘北甯入柳林仍逃往河南而去後聞此股賊匪經此大創多有歸正者是役可謂當頭之棒

矣是日天晚正在收隊之際又聞巨匪三省帶領一百三十餘
賊團攻楊家大城甚急統練聞信自帶本隊乘夜前往更餘至
該鎮賊已入楊姓院內攻擊至鷄鳴時賊方往北遁去該鎮賴
以保全是役擊斃賊日葵首一名傷餘匪數名俱被賊網於馬
上馱去練營戰歿練勇一名統練之馬中賊彈斃噫戰賊夜以
繼日可謂勞矣彈中所乘之馬不亦險乎此二役尙在俄人未
到境之前迨俄入境藏匿軍火猶恐不暇遑云擊賊嗣後境內
雖不無戰事亦必覷俄人不在始敢乘間偶一爲之

噉嚼嘴與馬家屯俄人擊賊

俄之復來亦甚惡賊而賊亦畏俄然自俄人入境賊匪益多民

患日甚者則以搜括軍械致令兵民鄉團皆不敢持械擊賊而賊益無忌憚故也乃其所搜者不過兵民鄉團而已若賊之械則不但不能搜得且將搜得之械轉昂價以售與匪人是其收一械而賊寡一畏賣一械則又增一賊矣更兼漢奸通事分贓庇盜不論何等要犯一到車站無敢過問者直迨日俄戰起俄之後路屢被賊擾始知養賊不第爲華人患也非其謀之不臧自貽伊戚歟光緒三十年秋有日人十餘名從蒙界繞入勾串胡匪三百餘人轟燬二站鐵道三十一年五月初五日日人又率鬚匪共四百餘名烘燬二站之東鐵橋俄兵逐之至北大界外被胡匪擊斃四十五名俄兵乃棄甲而回是年四月俄人運

草之車在河套被賊擄去三輛擊斃俄人一名俄不堪其擾乃
飭隊嚴緝於四月二十一日伊之降弁趙蘭亭率領俄隊逐四
百餘賊至縣西南二十餘里喇嚕嘴屯斃賊二十餘名戰歿俄
人二名是月三十日長春府趙幫帶率領俄隊逐賊三百餘至
縣西三十里之馬家屯又斃賊二十餘名二役共斃賊五十餘
名五月朔俄募素通賊者插旗招降初二三日賊乃陸續進縣
城強_除強貸蹂躪舖商城內有岌岌之勢幸其不久即往邊裏
前敵而去共二千餘人沿路馬匹擄掠一空嗣後境內賊患稍
殺然猶未已也

長春兵與俄兵之戰

庚子拳民肇釁歷春至夏謠傳蠶起無稽不經之說愚民爭相

竊議皆以爲北宋之丁甲神兵且有謂內省已獲勝仗者於是

本境及左近鄰封匪徒亦多響應

有法師掌教等同名

邑宰范貴良持以鎮靜

典史隆釗彈壓有方故商民雖受驚恐未遭損害先是俄人在

縣治南九十里之公主嶺設鐵路三站亦一絕大區埠也至是

俄國兵民之搬取什物燒燬房舍奔竄歸國者絡繹不絕又數

日俄退略盡土匪漸滋六月十八日長春府營弁阮遣課巡察

至境且防俄兵之過境焚掠者探有俄兵一隊迨至阮營弁帶

馬隊二十名步隊五十名至本境南界之平頂山西遇俄前哨

十餘名發槍奮擊行將盡殲不虞後路俄兵三百餘一擁而至

致我兵馬步隔絕不相救應阮營弁遂陣沒少頃步隊亦戰潰
俄兵縱火焚燒居民被災者凡百餘家是役也我兵死者三十
餘人俄兵死者二十一二人居民十餘人蓋由於衆寡懸殊救
援隔絕故軍心甚勇而卒以敗聞時甚惜之九月俄軍自北路
南下先至長春府界內謝敬之太守欽奉不戰之議與俄軍弁
相見以理諭之以誠結之因應咸宜措施得當得免於戰不特
長春商民盡受其福而懷邑適當其後獲慶安全微謝公之力
曷克臻此二十七年去印懷邑商民思其德釀資購石勒碑以
志之

和悅社徐聯珠與逃兵之戰

懷邑地屬邊荒盜風素熾居民非嫻習槍炮不能自衛其身家
距縣治東南七十里之和悅社有居民徐聯珠者食指十餘口
壯丁四人甚殷實牆宇高峻四角有炮台槍械子藥之類尤備
擊賊素以勇聞八月逃兵過境戚里素識避難者咸往依之逃
兵稔其富且垂涎馬匹之多欲肆搶掠徐聯珠率子姪並擇戚
誼之能兵者十數人登炮台發槍轟擊逃兵陸續至者且三百
餘屢次縱火攻撲皆被擊退自辰至酉徐聯珠及其戚扑姓張
姓三人中槍殞命逃兵死者已五十餘矣不意院內藥缸不檢
於火子藥不繼家人知不能守遂於二更後乘雨毀牆護老幼
從屋後潛遁至數里之外鄰村暫避逃兵聞之猶不敢逼平明

入院大掠而去

附軍制

光緒三年本境改設縣治邑令張公雲祥洫任請設捕盜把總一員外委一員馬什長六名捕勇馬隊六十名駐防朝陽坡省中發餉庚子之亂奉軍憲令裁撤捕營撥省營步巡兵五十名歸縣調遣嗣因人地不宜稟請撤回自招親兵小隊二十名以爲護署聽差之用三十二年軍憲趙將各府州縣牛馬稅另行派員征收地方官招養兵隊籌餉不易查明舊卷仍令復設捕營以符定制大州縣四五十名設把總一員小州縣二三十名設外委一員懷德照大縣例仍設把總一員捕勇馬隊四十名

每月餉需由縣備文赴省請領三十三年奉督撫憲札飭按照
新章改把總爲捕盜巡官改捕兵爲巡兵本年又奉巡警道札
飭以捕盜一營虛糜餉項既有巡警正兵即可概行裁撤此本
縣原有之兵制而後改組爲巡警之情形也茲將兵額餉數清
列於後

捕盜營

改設之後
駐防縣街

把總一員

每月薪水銀十三兩津貼銀十七兩
按每月三十日算月小扣一日勇同

馬什長四名

每月餉銀七兩
五錢津貼二兩

馬勇三十六名

每月餉銀七兩
津貼二兩

以上弁兵每月共應領餉銀三百九十二兩

懷德縣立之後雖有捕營彈壓仍以地面遼闊萑苻時起不得已又請於上由省營北路撥統巡一員兵二百名來境駐紮以資鎮攝而靖地方弁兵仍食原餉由本營統領發給三二年輒一瓜代至三十三年調防吉省從此懷境無客兵駐防者數年至北蒙肇衅而後懷境幾成衝要陸續派隊駐防以資鎮攝懷德近數年來所恃以無恐者此也

參鄉土志

